

UNIVERZITET U TUZLI
Broj:01-_____ / 10.
Tuzla, 27.09.2010. godine

UNIVERZITET U TUZLI
Fakultetima/Akademija
n/r dekana
n/r pomoćnika generalnog sekretara
n/r Šefa studentske službe

PREDMET: Instrukcija za upis studenata u ak.2010/11. godinu

U cilju pravilne primjene propisa kojima su definisani uslovi za upis studenata u narednu godinu studija, kako studenata upisanih po bolonjskom procesu, tako i studenata upisanih po odredbama ranijih propisa, daje se Instrukcija kako slijedi:

1. Redovni student koji je u ak.2009/10. godini prvi puta upisan u prvu godinu studija u statusu studenta koji se sam finansira i koji u toku akademske godine ostvari uslov za upis u narednu godinu studija **stiće status studenta koji se finansira iz Budžeta Kantona**.
Dakle, nije potrebno da student, pored ispunjenja uslova za upis u narednu godinu mora ostvariti i prosječnu ocjenu utvrđenu u članu 206. stav (4) Statuta, iz razloga što je članom 10. Zakona o izmjenama i dopunama Zakona o visokom obrazovanju ("Sl.novine TK" broj: 12/09) izmijenjena sadržina člana 125. stav (3) Zakona, pri čemu nije ostavljena mogućnost da se ovo pravo studenta definiše Statutom.
 - 1.1. Pravo iz tačke 1. Instrukcije primjenjivat će se i na studente koji prvi puta upisuju drugu, odnosno treću godinu prvog ciklusa studija.
 2. Student koji u ak.2010/11. godini obnavlja prvu, odnosno drugu, odnosno treću godinu studija participira u troškovima studija u visini utvrđenoj Odlukom Senata Univerziteta broj: 03-6835-2.2/09 od 23.09.2009. godine.
Student iz ove tačke, pored participacije u troškovima studija plaća i naknadu za ponovno polaganje ispita iz predmeta studijske godine koju obnavlja u visini utvrđenoj Odlukama Senata broj: 03-8835-4/09 od 18.01.2009. godine i broj: 03-1195/10 od 01.02.2010. godine.
 - 2.2. Studenti ponovci ostalih studijskih godina (upisani po odredbama ranijih propisa) koji u ak.2010/11. godini obnavljaju studijsku godinu participiraju u troškovima studija u visini utvrđenoj podtačkom 2. Odluke Senata broj: 03-6835-2.2/09 od 23.09.2009. godine.
 3. Student upisan na Univerzitet nakon stupanja na snagu Zakona o visokom obrazovanju ("Sl. novine TK" broj: 8/08), 11/09 i 12/09) može prenijeti u narednu godinu studija najviše 10 ECTS bodova ili najviše 2 predmeta ukoliko zajedno nose više od 10 ECTS bodova. Ovako utvrđena (izmijenjena) zakonska odredba podrazumijeva i pravo studenta da u narednu godinu studija prenese jedan, a najviše dva predmeta koji nosi/nose **više od 10 ECTS bodova**. Odredba ove tačke Uputstva odnosi se i na studente Visoke poslovne škole.
 4. Studenti koji su ak.2009/10. godini odslušali i ovjerali pretposlednju godinu studija imaju pravo upisati završnu godinu studija **i bez ispunjavanja uslova za upis u narednu godinu studija, pod uslovom da ih u narednoj akademskoj godini sustiže generacija studenata upisana po izmijenjenom nastavnom planu i programu**, a shodno članu 11. stav (3) Zakona o izmjenama i dopunama Zakona o visokom obrazovanju ("Sl.novine TK" broj: 12/09).

5. Studenti, upisani na Univerzitet po odredbama ranijih propisa, a na koje se ne odnosi pravo utvrđeno u tački 4. Instrukcije mogu, u ak.2010/11. godini upisati narednu godinu, studija uz nepoložene ispite iz najviše dva dvosemestralna nastavna predmeta tekuće godine studija ili iz nastavnih predmeta čije trajanje ne prelazi ukupno četiri semestra, odnosno ekvivalent odgovarajućih ECTS bodova, u skladu sa nastavnim planom, a shodno članu 68. Zakona o visokom obrazovanju ("Sl.novine TK" broj: 10/99, 15/00 i 5/05).
Student kojem je, shodno pravu utvrđenom u tački 4. Instrukcije, omogućen bezuvjetan upis ak.2009/10. godinu **ne može, u ak.2010/11** upisati se u narednu godinu studija uz prenos 4 (četiri) nepoložena predmeta **iz prethodne dvije godine studija.**
6. Primjena odredbe člana 208. stav (2) Statuta računa se od generacije studenata **prvi puta upisanih u I prvu godinu prvog ciklusa studija ak.2008/09. godine.**
7. Odredba člana 293. stav (8) Statuta Univerziteta, je kao prelazna odredba imala za cilj definisanje početka ostvarivanje prava studenta iz člana 206. stav (4) ovog Statuta, ali kako je odredba člana 125. stav (3) Zakona izmijenjena, to je i odredba člana 293. stav (8) Statuta u suprotnosti sa odredbom člana (10) Zakona o izmjenama i dopunama Zakona o visokom obrazovanju zbog čega se pri upisu studenata ima primijeniti tačka 1. i 1.1. ove Instrukcije.
8. Primjena odredbe člana 191. stav (3) Statuta nije definisana striktno za akademska godinu u kojoj se za studenta u statusu imatrikulanta ima primijeniti, te je svaki fakultet u obavezi pojedinačno pratiti primjenu nastavnog plana i programa.
Naime, članom 151. stav (2) Zakona o visokom obrazovanju ("Sl.novine TK" broj: 8/08) nije utvrđen konačni rok do kada se ima završiti započeti studij, to se u konkretnom slučaju, propisom smatraju i Pravila Univerziteta u Tuzli (prečišćeni tekst iz 2006. godine).
9. Odredba člana 294. Statuta Univerziteta odnosi se na studente upisane na postdiplomski studij prije stupanja na snagu Zakona o visokom obrazovanju ("Sl.novine TK" broj: 8/08), dakle ak.2007/08 i ranije, a na studente upisane na postdiplomski studij ak.2008/09. i 2009/10. godine primjenjuju se odredbe članova 193. – 201. Statuta Univerziteta.

REKTOR:

Prof.dr. sc. Enver Halilović

Obradili:

Prorektor za nastavu i studentska
pitanja:

Prof.dr. Rejhana Dervišević,

Generalni sekretar:

Jasmina Berbić, dipl.pravnik

REKTOR:

Prof.dr.sc. Enver Halilović